



Utval: **Formannskapet**
Møtestad: Ordførarkontoret, Kommunehuset
Dato: 07.11.2019
Tidspunkt: 08:30

Forfall skal meldast på tlf. 35 04 84 00. Varamedlemmer møter berre ved særskilt innkalling.

Det vert ADMU-møte kl. 08.00.

NB! Til sak 116/19 må ein laste ned to dokument; vedlegg 4 og 5.

Desse dokumenta finn du her:

<https://www.nissedal.kommune.no/formannskap-kommunestyre-saksdokument.486399.nn.html>

Halvor Homme
ordførar

Saksliste

Utvals- saksnr	Innhald	Lukka
	Saker til behandling	
PS 116/19	Budsjett, økonomiplan og handlingsprogram 2020-2023	
PS 117/19	Evaluering av prøveordninga med heilårsdrift av Fjoneferga	
PS 118/19	Søknad om tilskot frå Friluftsfondet for Arendalsvassdraget	
PS 119/19	N - Søknad om arealoverføring til bustadtomta 21/47 - jordlovsbehandling - 21/11 - Håtveit	
PS 120/19	N - 21/11 - Håtveit - Frådeling av tilleggsareal - dispensasjon	
PS 121/19	Søknad om fritak for eigedomsskatt	
PS 122/19	Referat- og drøftingssaker	

Saker til behandling

PS 116/19 Budsjett, økonomiplan og handlingsprogram 2020-2023

**Saksframlegg**

Utval	Utvalssak	Møtedato
Formannskapet	116/19	07.11.2019
Formannskapet		21.11.2019
Arbeidsmiljøutvalet		
Eldrerådet		
Råd for funksjonshemma		
Kommunestyret		12.12.2019

(saka vert lagt fram som drøftingssak i ADMU 07.11.19)

Budsjett, økonomiplan og handlingsprogram 2020-2023**Vedlegg:**

- 1 Melding om vedtak – Kontrollutvals sak 29/19
- 2 Saksutskrift - Budsjett for kontrollarbeid 2020 - Nissedal kommune
- 3 Budsjettdokument 2020
- 4 Budsjett, økonomiplan, handlingsprogram 2020-2023 (må lastast ned som eige dokument)
Uprioriterte tiltak / Alternative innsparingstiltak –
- 5 Budsjett/økonomiplan 2020-2023 (må lastast ned som eige dokument)

Fakta i saka:Bakgrunn for saka/tidlegare saksgang

Rådmannen legg med dette fram sitt forslag til budsjett for 2020 og økonomi- og handlingsplan for 2020-2023. Formannskapet handsamer dette framlegget i to rundar/møte før dei legg fram si innstilling til kommunestyret, som vedtek budsjett og økonomi-/handlingsplan den 12.12.19.

Ved saka fylgjer og ein oversikt over dei tiltak/behov som har vore vurdert, men som det ikkje er funne rom for å innarbeide i framlegg til budsjett/økonomiplan.

Det vert her og synleggjort alternative tiltak til å redusere driftsnivået på dei ulike tenestekområda. Mange av desse tiltak bør utgreiast nærare, før dei eventuelt vert innarbeidd i budsjettet. Ei full utgreiing av alle tiltak som er omtalt vill gje eit svært omfattande dokument.

Det vert søkt å oppnå at budsjett/økonomiplan og handlingsprogrammet er i fullt samsvar med kvarandre og i størst mogleg grad «korresponderer». Dette for å oppfylle kravet om at kommunestyret sine prioriteringar, målsetningar og premisser som eit årsbudsjett bygger på skal kome tydelig fram.

Budsjettdokumentet gir ein fullstendig oversikt over talmaterialet, slik at det i saksutgreiinga berre vert gjengitt hovudlinene.

Lovgrunnlaget

Kommunale budsjettforskrifter, kommunelova

Forankring i eige planverk

Handlingsprogram

Vurdering:

Driftsbudsjettet:

Etter 2014 har dei årlege budsjettprosessane vore rimeleg uproblematisk. Men når budsjett for 2020 skulle utarbeidast synte det eit avvik mellom vidareføring av driftsnivået i 2019 og anslaget på inntektsnivået i 2020 ei underdekning på mellom 7-8 mill.

Dei største endringane i høve til gjeldande økonomiplan var:

- Etablering av Fjone barnehage (1,1 mill.)
- Ny ressurskrevjande brukar (1,4 mill.)
- Nedgang i integreringstilskot utover det som låg til grunn i øk.plan (2,2 mill.)
- Nedgang i inntekter (0,7 mill.)
- Auke i straumutgifter utover prisvekst (0,7 mill.)
- Nye spesialpedagogiske tiltak skule/bhg. (0,9 mill.)
- Rentestigning høgare enn lagt til grunn i øk.plan (0,5 mill.)

I tillegg fleire mindre moment. Lønsveksten blei og høgare enn lagt til grunn, på bakgrunn av eit godt sentralt oppgjær. Men dette blei dels oppvegd av reduksjon i pensjonsutgifter.

Sentrale inntekter:

Frie inntekter (skatt/rammetilskot) blei for kommunen berekna til å ha ein realvekst på 4,9%. Dette til tross for at folketalet gjekk ned med 17 personar. Med andre er det endringar i samansetning som gjer til at veksten blir på eit slikt nivå. Vekst i skuleborn/barnehageborn og vekst i innbyggjarar over 67 år forklarar denne veksten i inntekter. Nominelt gjekk frie inntekter opp med 7,1%, Men ved å samanhalde veksten i inntekter med faktiske tal på løn-/prisvekst og endringar av oppgåver som er teke omsyn til i rammetilskot, så er veksten redusert til 0,6 mill.

På skatteinntekter på inntekt/formue er det lagt inn ein vekst på 3,8% frå budsjettert inngang i 2019. Dette er omlag på nivå som vert lagt til grunn i statsbudsjettet.

På eigedomsskatt er det i år ein vekst på inntekter på kraftverk. Denne aukar med kr 236.000 frå 2019 til 2020 til omlag 6 mill.. Dette på bakgrunn av auke i straumprisar. Utover i planperioden er det lagt til grunn 5% vekst kvart år på denne posten.

På eigedomsskatt på hus/hytter har det sidan 2015 vore ein skattesats på 2‰. Rådmannen meiner det er vanskelig å finne inndecking for heile budsjettavviket med å redusere utgiftene og tilrår at skattesatsen vert auka. Samstundes har staten bestemt at det skal innførast ein obligatorisk reduksjonsfaktor på eigedomsskattegrunnlaget på 30%. Dette kan sjåast på som eit signal frå staten om at inntektene til kommunane på eigedomsskatt skal ned eller det kan oppfatast som ein innsnevring av det kommunale

handlingsrommet. Ein gjer ikkje nærare vurderingar kring dette og gjer heller ei vurdering opp mot eigen budsjettsituasjon. Då er det frå rådmannen si side berre eit alternativ og det er å kompensere dette bortfallet av inntekter ved å auke skattesatsen.

Døme:

Ein bustad/hytte som har hatt eigedomsskattegrunnlag på 1,5 mill. har til nå betalt kr 3.000 i eigedomsskatt med 2‰.

Etter obligatorisk reduksjonsfaktor på 30% får denne eigedomen ein eigedomskattetakst på kr 1.050.000. 2% gir då ein eigedomsskatt på kr 2.100.

Dersom ein ikkje gjer nokre endringar vil dette seie bortfall av inntekter på omlag 1,8 mill. Dette har ein vanskelig å finne rimelige løysingar på. Det vert derfor tilrådd å auke skattesatsen til 3,36‰. Eigedomen over vil betale: takst 1.050.000 x 2,86‰ = kr 3.000. Altså same skattenivå som før.

Men i tillegg ser ein at det er behov for å auke inntektene. Dette ved å auke skattesatsen med ytterligare 0,5‰. Dette gir 1 mill. i auka inntekter. For å vidareføre døme over, så vil denne eigedomen då få ein eigedomsskatt slik:

Takst: kr 1.500.000 red.faktor 30% = kr 1.050.000 i eigedomsskattegrunnlag.
Kr 1.050.000 x 3,36‰ = kr 3.528 i eigedomsskatt. Altså ein auke av eigedomsskatt på kr 528 i året.

Dersom ein ser dette opp mot at skatten ikkje har blitt endra på dei 5 åra ein har skrivi ut eigedomsskatt og held dette opp mot pris/verdistigning i denne perioden, så er dette ein rimeleg endring. Dersom kommunen hadde valt å bruke likningsgrunnlag for utskriving av eigedomsskatt, så hadde grunnlaget blitt justert i takt med prisstigning. Sjølv om det ikkje er nokon samanheng med kommunale avgifter og eigedomsskatt er det og eit poeng at dette VA-avgiftene har stått stille eller blitt redusert i same 5 års periode. Dei som har kommunalt vatn/kloakk betalar mindre nå totalt i eigedomsskatt og VA-avgifter enn dei gjorde før 2015 for berre vatn/kloakk.

Integreringstilskotet går nedover i planperioden frå 6,1 mill. i 2020 til 0 i 2023. Dette i hovudsak på bakgrunn av at 5 årsperioden for integreringstilskot går ut. Dei som blei busett i 2015 får vi ikkje integreringstilskot nå i 2020.

Kommunen har over tid betalt meir i avdrag enn kva reglane for minste avdrag seier. Dette utgjorde ved avslutninga av rekneskapen for 2019 2 mill. Rådmanne vel å tilrå også å nytte dette handlingsrommet for å oppnå balanse i budsjettet. Det vert ikkje tilrådd å utnytte heile handlingsrommet, då dette lett kan gjere til at ein endar opp med å betale for lite. Dette ved t.d. endringar i avskrivningsgrunnlaget. Med ein tilrår å redusere betalte avdrag med 1,8 mill. i høve til gjeldande betalingsplan på lån. Dette leier sjølv sagt til auke på renteutgifter, på lengre sikt. I tillegg kan det og gje ei avgrensing på opptak av nye lån. Men i planperioden er ikkje dette siste momentet ei relevant problemstilling. Skulle den økonomiske situasjonen endre seg i løpet av nokre år, så er dette eit tiltak som er lett å reversere.

Ein sett i verk ulike tiltak for å redusere driftsnivået, som i all hovudsak vil seie å redusere stillingar/tilsette. Men dette er vanskelig (umogleg?) å få sett i verk frå årsskifte. Dei fleste tiltaka vil derfor først få heilårsverknad frå 2021. I tillegg er det i budsjett 2020 eit innslag av det ein kan kalle «eingongsutgifter» (sjå pkt. 2.3. i

budsjettdok.). Desse to momenta er bakgrunnen for at det vert tilrådd å bruke 0,9 mill. av fond i 2020. I perioden 2021-2023 er det lagt opp til å avsette 2,1 mill. til felles buffer.

Kommentar til kvart rammeområde/eining:

I pkt. 2.4 i budsjettdokumentet er det vist komplett oversikt over alle endringar til kvart rammeområde. Under vert berre det større/viktigaste omtala.

Det er også i budsjettet for 2020 innarbeidd mange moment som bygger på saker som har vore vedtatt i løpet av 2019 og som har betydning for økonomien i 2020. Desse vert kommentert i mindre grad. Men også desse går fram i oversikten på pkr. 2.4 i budsjettdokumentet.

Felles:

Konsesjonskraftinntektene aukar med 1,2 mill. frå 2019 og blir budsjettert til 6,7 mill. i 2020. Dette nivået er lagt til grunn ut heile planperioden.

Det er lagt til grunn eit kutt i rammeoverføring til fellesrådet på kr 50.000. Dette er ikkje betre begrunna enn at kommunen har ein vanskelig budsjettsituasjon. Dette utgjør 2% av rammeoverføringa frå kommunen til fellesrådet. Det er samstundes lagt inn prisvekst for fellesrådet som vanleg, slik at dei går ikkje ned i overføringar, men får ingen realvekst i 2020.

Rådmannen vil i løpet av hausten slutføre arbeidet med ein nedtrappingsplan for ressursinnsatsen på integreringsarbeidet i kommunen fordelt på skule, barnehage og kultur. Når budsjettet skal leggst fram er det ikkje klarlagt kva stillingar ein vil avvike i 2020. Men det er lagt til grunn at 3-3,5 stilling vil bli fasa ut i løpet av 1. halvår 2020. Dette er lagt inn med ein halvårsverknad på 0,9 mill. i 2020 og 1,8 mill. frå 2021. Vidare er det lagt til grunn vidare nedtrapping i 2021-2023 på 2,6 mill. Rådmannen meiner ein nå er i ein fase av integreringsarbeidet der ein bør i størst mogleg grad overlate ansvaret for oppfølging av flyktningane til det ordinære kommunale tenesteapparatet og trappe ned på dei særskilte ressursane som er sett inn i høve til flyktningar i skule, barnehage og kultur.

Skule:

Her er det lagt inn eit kutt i lærarstilling på 50% frå 01.08.20. Dette gir ei innsparing i 2020 på kr 130.000 og ei heilårsverknad frå 2021 på kr 300.000.

Elevtalet på vaksenopplæringa går ned og dermed går og statstilskotet her ned. Dette utgjør nedgang på inntekter på kr 670.000.

Eigenbetaling SFO vert tilrådd auka med 4,1%. Dette er auke i samsvar med auke av eigenbetaling på barnehage, på bakgrunn av heving av maks-pris. Dette gir auke i inntekter på kr 20.000.

Sjølv om det er lagt til grunn ein reduksjon av stilling på skule så meiner rådmannen at ressursinnsatsen på skule er på eit akseptabelt nivå. KOSTRA-tal frå 2018 syner at Nissedal har netto driftsutgifter på innbyggjarar mellom 6-15 år på kr 186.000. Samanliknbare kommunar har 166.000 og for landet er dette talet kr 112.000. Altså nyttar Nissedal 12% meir på skuleborn enn samanliknbare kommunar.

Barnehage:

I budsjettet for 2020 blir eininga tilførd 1,1 mill. i høve til etablering av Fjone barnehage. Rådmannen meiner 5 barnehagar er for ambisiøst i ein kommune med 1476 innbyggjarar. Det vert utifrå budsjettsituasjonen tilrådd å legge ned 1 barnehage frå 1. august. Men det vert ikkje sagt i denne omgang kvar for ein barnehage ein vil ta bort. Det vert lagt opp til å legge fram ei sak tidleg i 2020 (før opptak), der konsekvensar av nedlegging av dei ulike barnehagane blir vurdert. Innsparing på dette er sett til kr 1.550.000 (inkl. FDV-utgifter). Verknad i 2020-budsjettet er sett til 670.000.

I tillegg vert det tilrådd å trekke inn 30% fagarbeidarstilling. Denne er ledig nå, slik at dette gir heilårsvirkning på kr 165.000.

Kommunen innførte for ei tid tilbake ordning med redusert foreldrebetaling for familiar med låg inntekt. Seinare kom det krav frå staten med krav om ei slik ordning. Den ordninga vi allereie hadde, og som var gunstigare enn staten si ordning, blei behalde. Vi har derfor gjennom nokre år hatt to ordningar. Det vert tilrådd å fjerne den opphavlege kommunale ordninga og berre forhalde seg til den statlige. Dette gir ei auke i inntekter på kr 50.000.

Staten har høgna makspris i barnehage til kr 3.135 frå 2020. Dette svarar til 4,1% i auke. Det vert tilrådd å fylgje makspris og dette gir auke i inntekter på kr 76.000. Det kan føyast til at staten trekker ut av rammetilskotet tilsvarende, slik at staten legg til grunn at alle kommunar gjer denne auken i eigenbetalingar.

Sjølv om det er lagt til grunn ein reduksjon av stilling på barnehage, så meiner rådmannen at ressursinnsatsen på barnehage er på eit akseptabelt nivå. KOSTRA-tal frå 2018 syner at Nissedal har netto driftsutgifter på innbyggjarar mellom 1-5 år på kr 211.000. Samanliknbare kommunar har kr 171.000 og for landet er dette talet kr 153.000. Altså nyttar Nissedal 23% meir på barnehageborn enn samanliknbare kommunar. Det er verdt å merke seg at i desse tala er ikkje etablering av Fjone barnehage med.

Kultur:

Dei siste åra har ein utvida stillingane som flyktningkonsulent med 40%. Dette vert avvika frå 01.01.20. Dette gir ei innsparing på kr 135.000.

Deltakarar i introduksjonsprogrammet går ned og post for introduksjonsstønad blir redusert med 1,6 mill. Det er ikkje usannsynleg at dette kan påverke økonomisk sosialhjelp og ein har litt skjønnsmessig lagt inn ein styrking av øk. sosialhjelp på 0,5 mill. på denne bakgrunn.

Det har vore avsett ein pott til generelt intergreringsarbeid og til stønad til sertifikat. Til saman kr 110.000. Ein legg til grunn at integreringsarbeidet nå går inn i ei anna fase og tilrår å trekke desse pottane inn.

Laurdagsope bibliotek og basseng blei opphavleg finansiert med eigedomsskattepotten. På bakgrunn av at det er avgrensa kor lenge tilsette kan jobbe på engasjement blei dette gjort om til faste stillingar for to år sidan. Det vert nå tilrådd å avvike heile eigedomsskattepotten og dermed også den delen som har vore lagt til kultur. Innsparing i 2020 kr 85.000 og heilårsverknad frå 2021 med kr 170.000.

Eigenbetaling kulturskule auka med 4,1% (jf. vekst eigenbet. barnehage).

Helse og habilitering:

Legevakt i Arendal aukar med kr 250.000 og utgjør nå omlag 0,8 mill. Her vil ein i 2020 gjere vurderingar kring alternativ.

På Kåsa vil ein gjere ein gjennomgang av turnus som er forventa å gje ei innsparing på kr 125.000. (Omlag 20% stilling). I tillegg er det lagt til grunn at det i løpet av 1. halvår vert innarbeidd reduksjon av stilling på omlag 30% på Kåsa/helse. Dette med ein verknad i 2020 på kr 100.000 og heilårsverknad i 2021 på kr 200.000.

Ein av kommunelegane har søkt om permisjon i 30% stilling i 2 år. Ledige lønsmidlar vert tilrådd trekt inn for denne perioden. Dette utgjør kr 360.000.

Omsorg:

På bakgrunn av anna samansetning av pasientar, ved at det er større innslag av kortidsinnleggelse og lågare belegg over tid, så går opphaldsbetalinga ned. Dette er stipulert til å utgjere kr 700.000 i reduserte inntekter.

Det er etablert eit tilbod rundt ein ny brukar. Dette har ei kostnadsramme på 1,4 mill.

Det er behov for ei oppgradering av vaskeriet. Dette er lagt inn som eit investeringsprosjekt. Dette opnar for ei meir effektiv drift av vaskeriet som gir høve til å redusere med ei 30% stilling. Dette vert tilrådd. Verknad i 2020 er kr 75.000 og heilårsverknad frå 2021 med kr 150.000.

I tillegg er det lagt inn eit stillingskutt på 50% utan konkret «merkelapp», anna enn at det vert peika på institusjon evt. administrative ressursar. Dette er tenkt innarbeidd i løpet av 1. halvår og skal gje ei innsparing på kr 125.000 i 2020 og heilårsverknad i 2021 på kr 250.000.

Det er og lagt inn auke av middag med kr 20 til kr 95 pr. middag. Dette gir auke i inntekter på kr 50.000. Det vert lagt til grunn at kr 95 er ein akseptabel pris for ein tilkøyrd middag.

Frå 2021 er det lagt til grunn at 4-5 nye omsorgsbustader er bygd og at dette frigjer rom på institusjon tilsvarende. Det er då lagt til grunn at desse romma blir «lagt ned» og dette gir grunnlag for å redusere med 2,4 årsverk. Med frådrag av bortfall av inntekter gir dette ei netto innsparing på kr 950.000. Dette er lagt inn med halvårsverknad frå 2021 og full verknad frå 2022.

Dagsenter for demente er lovpålagt frå 2020. På denne bakgrunn får kommunen tilførd kr 145.000 til etablering/drift av dagsenter. Dette er lagt inn i ramma til eininga, men det vil nok krevje kreativ tenking å få etablert eit godt tilbod innafor denne ramma.

Sjølv om det er lagt til grunn ein reduksjon av stilling på omsorg, så meiner rådmannen at ressursinnsatsen på omsorg er på eit akseptabelt nivå. KOSTRA-tal frå 2018 syner at Nissedal utgifter pr. opphaldsdøgn i institusjon på kr 4.434. Samanliknbare kommunar har kr 3.644. og for landet er dette talet kr 3.710. Altså har Nissedal ein ressursinnsats pr. opphaldsdøgn 21% meir enn samanliknbare kommunar.

Teknisk:

Straumen har auka meir enn ordinær prisstigning siste 2-3 åra og dette har gitt auke i utgifter på omlag kr 700.000.

Det er lagt til grunn å auke husleiger i takt med konsumprisindeks (2%) og dette utgjør auke i inntekter på kr 48.000.

Det er lagt til grunn å korte inn sesongen på bading med 2 mnd. Dette vil gi ei innsparing på straum/kjemikalier på kr 200.000.

Som nemnd under barnehage gir nedlegging av 1 barnhage innsparing på årsbasis på kr 300.000 for teknisk. I denne innsparinga ligg stort sett reduksjon av reinhald (ca. 40% stilling og sparte straumutgifter.

NAV ønskjer utbetring/ombygging av kontor dei nyttar i kjellaren på kommunehuset. Dette vil vere eit «spleiselag» mellom kommunen og NAV der kommune sin del er kr 72.000. Dette vil utløyse leigeinntekter årleg på kr 36.000.

Plankontor:

På bakgrunn av forventning om lågare aktivitet dei næraste åra er det gjort ein reduksjon i bemanning på 60% stilling. Nissedal si del av dette er kr 104.000. Reduksjonen er allerede sett i verk og ein oppnår dermed heilårsverknad her.

Sjølvkost VA:

På bakgrunn av store investeringar siste åra «aukar» den negative ramma og nærmar seg nå 9 mill. som skal dekke kalkulatoriske renter/avdrag og administrative kostnader.

Det vert også for 2020 tilrådd å vidareføre gebyrnivået på same nivå.

NAV:

Jf. gjeldande økonomiplan er det lagt inn langtidsverknad av prosjektet re-start, som skal gi ein reduksjon av økonomisk sosialhjelp på kr 100.000. Dette har halde mål tidlegare år, kan det synast som, og vert derfor tilrådd teke omsyn til også i 2020.

Som nemnd under kultur er det grunn til å tru at avslutning av introduksjonsprogrammet kan gi utslag på økonomisk sosialhjelp. Det er derfor lagt inn (skjønnsmessig) ei styrking på kr 500.000 på denne bakgrunn.

Ordninga med etablering-/bustadtilskot er lagt inn i rammetilskotet med kr 109.000. Vi har i dag fondsmidlar opparbeidd frå då dette kom som særtilskot. Det vert derfor lagt opp til å nytte fondsmidlar dei første åra i planperioden og det er dermed ikkje naudsynt å styrke ramma på denne bakgrunn.

Næring:

I kommunestyresak 37/19 blei det vedteke at kommunen skal delta i prosjektet «Nyskapande vekst i Nissedal». Dette er eit prosjekt over 3 år (2020-2022). Kommunen sin andel kvart år er kr 350.000. Hovudutgifta i dette prosjektet er lønsmidlar til «Næringsfiskaren».

Under næring har den delen av eignedomsskattepotten som har blitt fordelt til ulike lag og organisasjonar til ulike fellestiltak. Denne har dei siste åra vore på kr 330.000. Denne vert tilrådd trekt inn.

Drift oppsummert:

Totalt vert det tilrådd å gjere reduksjon av stillingar i 2020 på i overkant av 9 heile stillingar. I tillegg er det planlagt nye betydelege reduksjonar utover i planperioden. Det er nok optimistisk å tru at alt dette kan løysast ved naturleg avgang eller omplassering. Det er nok derfor viktig å halde fram at ein kan ende opp med å måtte gå til oppseiing i nokre saker for å få effektuert reduksjonane av stillingar. Men skal ein unngå å tære meir på dei økonomiske reservane, så må ein klare å gjennomføre nedbemanning nokolunde i den takt økonomiplanen legg opp til.

Dersom ein skulle vurdere å gjere om tiltak som t.d. om auke i inntektene(eignedomsskatt) eller reduksjon av avdrag til reduksjon av utgifter, som primært vil vere løn/stillingar, så vil dette gje ytterligere utfordringar til korleis ein slik omstillingsprosess skal løysast.

Det er lagt opp til reduksjon av stillingar på alle rammeområde utanom felles/administrasjon. Dette kan underbyggast ved å vise til KOSTRA-tal. Netto driftsutgifter pr. innbyggjar til administrasjon er for Nissedal kr 6.526, for like kommunar kr 9.045 og for landet kr 3.691. Nissedal har 27% mindre utgifter til administrasjon enn like kommunar. Når ein så legg til at Nissedal er blant dei mindre kommunane i gruppa og at nær sagt alle andre tenesteområde ligg over snitt for like kommune, meiner ein kunne hevde at dette området ikkje gir noko potensiale for reduksjon. Det vert i saksutgreinga over trekt inn ulike KOSTRA-tal. Det bør understrekast at det ikkje er gjort ei full KOSTRA-analyse av kommune. Men ein meiner at dei tala ein har trekt fram underbygger dei endringane som vert lagt opp til i driftsbudsjettet.

Investeringsbudsjettet:

Også i 2020 er det lagt eit høgt nivå på investeringsbudsjettet. Det enkelete prosjekt er omtala i pkt. 3.4 i investeringsbudsjettet. Det enkelete prosjekt vert derfor berre omtala ganske kort under.

Omsorgsbustader:

Ramme for prosjektet er kr 8.750.000 inkl. mva. Bustadane er under prosjektering, slik at ramma ikkje er endeleg. Bustadane er tenkt lokalisert rundt omsorgssenteret.

Ombygging/Ny brannstasjon:

Ramme for prosjektet er kr 15.000.000 inkl. mva. Brannstasjon er under prosjektering, slik at ramma ikkje er endeleg.

Ombygging vaskeri - NOS:

Ramme for prosjektet er sett til kr 550.000 inkl.mva. Dagens vaskeri er av svært dårlig kvalitet og ventilasjon er svært dårlig.. I ramma ligg og nytt utstyr som aukar kapasiteten på vaskeriet som gir at ein kan utnytte ressursane betre. På dette grunnlag er det i driftsbudsjettet lagt til grunn reduksjon med ei 30% stilling.

Grovkjøkken NOS:

Ramme for prosjektet er kr 187.000 inkl. mva. For å overhalde krav til hygiene er det nausynt å bygge ei vegg som gjer at ein kan skilje av til trafikk i korridor, der m.a. skittentøy vert frakta. Kjøkkenbenk og anna utstyr er og av eldre dato og held truleg ikkje krav som vert stillt frå Mattilsynet.

Snøfres til traktor:

Ramme for prosjektet er kr 112.000 inkl. mva. Dagens fres blir, etter gjentatte reparasjonar, vurdert til å vere moden for utskifting.

Høgdebasseng Tveit og Framnes:

Førebels kostnadsramme for prosjektet er 20,3 mill. Båe bassenga har i dag innlekk av overflatevatn og dette er ikkje ein tilfredstillande situasjon. Det vil bli lagt fram eiga sak på dette prosjektet når lokalisering/dimensjonering blitt meir detaljert prosjert.

FKB-kartlegging:

Ramme for prosjektet er kr 406.000 inkl. mva. (Oppdatering av **Felles Kart Database**) Dette er eit prosjekt Plankontoret starta i 2018 og som avsluttast nå i 2020.

To nye pumpestasjonar avløp - Gautefall:

Ramme for prosjektet er kr 1.200.000. To avløpsumpestasjonar på Gautefall tilfredstiller ikkje kommunale krav.

Driftsovervaking av pumpestasjonar:

Ramme for prosjektet er kr 850.000. Det manglar i dag driftsovervaking i 5 avløpsumpestasjonar.

Oppgradering av/etablering av nye kummar:

Ramme for prosjektet 1.600.000. Denne ramme fordeler seg med eit budsjett på kr 400.000 kvart år i planperioden. I samband med gjennomgang av leidningsnettet i Treungen sentrum og erfaring frå lekkasjar i sommar ser ein at det er behov for å starte renovering av kummar.

Forprosjekt nytte reinseanlegg:

Ramme for prosjektet er kr 400.000. Ein ser at det nærmar seg 2023 og at kapasiteten på dagens reinseanlegg både på Gautefall, Treungen og Nissedal i periodar med høg belastning er opp mot maksimal kapasitet.

Rådmannen si tilråding:

Nissedal kommunestyre vedtek framlegg til årsbudsjett 2020 og økonomi- og handlingsplan 2020-2023, slik det ligg føre.

Det vert nytta høgast mogleg skattesats på formue og inntekt.

Eigedomsskatt:

Den alminnelege eigedomsskatten for skatteåret 2020 er 7 promille jf. eigedomsskattelova § 11, 1. ledd.

Differensiert skattesats for eigedomar med sjølvstendige bustadeler og fritidsbustader, for skatteåret 2020 er 3,36 promille, jf. eigedomsskattelova § 12, bokstav a.

Det vert ikkje nytta botnfrådrag.

Låneopptak:

Det vert teke opp lån til investeringsføremål på inntil kr 38.200.000.

Fra: Ingebjørg Liland (Ingebjorg.Liland@temark.no)

Sendt: 16.09.2019 09:10:15

Til: Info Nissedal

Kopi: Sverre Sæter; Jarle Bruun Olsen

Emne: Melding om vedtak, kontrollutvals sak 29/19

Vedlegg: Saksutskrift - Budsjett for kontrollarbeid 2020 - Nissedal kommune.pdf

Nissedal kommune

v/kommunestyret

Kopi: Formannskapet

Kontrollutvalet handsama i møtet 09.09.19 sak 29/19, Budsjett for kontrollarbeid 2020 – Nissedal kommune. Følgande vedtak blei fatta:

Kontrollutvalet innstiller følgjande til Kommunestyret:

Kommunestyret vedtek framlegg til budsjett for 2020 for kontrollarbeid i Nissedal kommune med ei ramme på kr 658 500,-

Kontrollutvalet sitt budsjettframlegg skal fylgje budsjettsaka til kommunestyret via formannskapet

Vi ber med dette at vedtak frå kontrollutvalet med vedlegg følgjer budsjettsaka til kommunestyret.

Med vennlig hilsen

Ingebjørg Liland
Rådgiver

Tlf: 470 34 560

E-post: ingebjorg.liland@temark.no

www.temark.no

Temark

Agder og Telemark Kontrollutvalgssekretariat IKS

Saksutskrift

Arkivsak-dok. 19/11668-1
Arkivkode 151
Sakshandsamar Ingebjørg Liland

Saksgang	Møtedato	Saknr
1 Nissedal kontrollutval	09.09.2019	29/19

Budsjett for kontrollarbeid 2020 - Nissedal kommune

Forslag frå sekretariatet:

Kontrollutvalet innstiller følgjande til Kommunestyret:

Kommunestyret vedtek framlegg til budsjett for 2020 for kontrollarbeid i Nissedal kommune med ei ramme på kr 658 500,-

Kontrollutvalet sitt budsjettframlegg skal fylgje budsjettsaka til kommunestyret via formannskapet

Bakgrunn for saka:

Kontrollutvalet fremjar med dette ei sak til kommunestyret (via formannskapet) om budsjett for kontrollutvalet si verksemd og kjøp av revisjons- og kontrollutvalstenester for 2020 i Nissedal kommune. Det å syte for god kontroll og tilsyn av den kommunale verksemda er høgaktuelt. Kommunestyret har eit ansvar for å sørgje for at det vert løyvd nok med ressursar til dette.

Forskrift om kontrollutval § 18 seier følgjande om budsjetthandsaminga:

”Kontrollutvalget utarbeider forslag til budsjett for kontroll- og tilsynsarbeidet i kommunen. Kontrollutvalgets forslag til budsjetttramme for kontroll- og revisjonsarbeidet skal følgje formannskapets innstilling til kommunestyret”.

Saksopplysningar:

Sekretariatet har utarbeidd eit framlegg til budsjett for kontrollarbeidet i Nissedal kommune for 2020. Kontrollutvalet sitt budsjett omfattar utgiftene til sjølve drifta av utvalet, samt utgiftene knytt til kjøp av sekretariatstenester for kontrollutvalet og kjøp av revisjonstenester.

Budsjettframlegget er basert på rekneskapstal og noko på anslag. Det er viktig at det er sett av tilstrekkeleg ramme for drift av kontrollutvalet, slik at det ikkje vert store svingingar om aktiviteten/kostnadane varierar frå eitt år til eit anna.

Sekretariatet vil knytte nokre kommentarar til enkelte av postane:

1. Opplæring av kontrollutvalet

Det er viktig med tilstrekkeleg ressursar til at medlemmane får delta på ulike kurs og seminar for å halde seg oppdatert og få påfyll faglig sett. Det er viktig med god kontakt og erfaringsutveksling mellom kontrollutvalsmedlemmar. Deltaking på nasjonale, fylkesvise og regionale samlingar er viktig i denne samanhengen.

Sekretariatet rår til at ein legg til rette økonomisk slik at alle medlemmane i kontrollutvalet får anledning til å delta på dei viktigaste skoleringsstilboda i 2020. Temark arrangerar to årlege konferansar i eigen regi. I tillegg har spesielt NKRF sin årlege konferanse i februar blitt ein «institusjon» for dei som driv med kontroll og tilsyn. Denne er noko kostbar å delta på, men er ein svært viktig fagleg arena og som nettverksskaper. I tillegg arrangerer òg Forum for kontroll og tilsyn òg fagkonferansar.

2. Kjøp av tenester

Nissedal kommune har vald å delta i to interkommunale selskap for å løyse kontroll og tilsynsoppgåvene: Telemark Kommunerevisjon IKS/Vestfold og Telemark revisjon IKS for revisjonsoppgåver og Agder og Telemark Kontrollutvalgssekretariat IKS (Temark) for sekretariatsoppgåver.

2.1 Sekretariatstenester

Nissedal kommune er medeigar i Agder og Telemark Kontrollutvalgssekretariat IKS (Temark). Kostnader i selskapet vert fordelt etter eigarbrøk/ kommunestørrelse. Budsjett for Temark vert fastlagt av representantskapen i Temark i november, og budsjettala er difor eit anslag.

2.2 Revisjonstenester

Nissedal kommune er medeigar i Telemark Kommunerevisjon IKS/Vestfold og Telemark revisjon IKS. Kostnader i selskapet vert fordelt etter eigarbrøk/kommunestørrelse, og budsjett for verksemda vert fastlagt av representantskapen.

Det faste driftstilskotet omfattar ordinær rekneskapsrevisjon, ei gitt mengde med forvaltningsrevisjon og overordna analyse. Skulle det oppstå behov for meir forvaltningsrevisjon i løpet av 4-års perioden enn det som er avtalt må kommunen enten omprioritere prosjekt, eller kjøpe fleire timar i tillegg.

Tidlegare var kyrkjelege fellesråd og kommunale føretak ein del av tilskotet. Desse vil heretter bli fakturert direkte. Det vil difor framkome ein reduksjon for kommunane samanlikna med 2019.

3. Tappt arbeidsforteneste/godtgjersle

Denne posten vert mellom anna påverka av aktiviteten i utvalet, kva godtgjerslenivå kommunen ligg på og om medlemmane har krav på/treng å få dekt tappt arbeidsforteneste for å delta i det politiske arbeidet. Det er teke høgde for 4 kontrollutvalsmøter i året og deltaking på andre kurs/møter. Kontrollutvalet vil som følge av ny kommunelov bli utvida frå 3 medlemmar i førre valperiode til fem medlemmar den kommande perioden.

Budsjettforslag 2020:

Beskrivelse	Regnskap 2018	Budsjett 2019	Regnskap aug.19	Budsjett 2020
Godtgjersle	33 794	55 000	27 606	70 000
Abonnement	1 275	1 500	1 275	1 500
Beverting	855	2 000	4 464	3 000
Opplæring, kurs	20 485	30 000	12 851	50 000
Skyss og kostgodtgjersle		3 000	1 211	3 000
Kontingent	3 500	3 500	3 500	3 500
Sum Kontrollutvalet	59 909	95 000	50 907	131 000

Kjøp av tenester				
Revisjon	415 232	426 100	303 396	412 000
Sekretariat	99 000	102 600	77 479	115 500
Selskapskontroll o.l	0	50 000	50 000	0
Totalt	574 141	673 700	481 782	658 500

Vurdering frå sekretariatet:

Sekretariatet foreslår ei budsjetttramme på kr 658 500,- for kontrollutvalet for 2020, inkl. kjøp av revisjons- og sekretariatstenester. Sekretariatet meiner dette gjev eit realistisk bilete av forventa utgifter for kontrollutvalet si verksemd i komande år.

Skulle det oppstå situasjonar som nemnt over der det blir behov for ekstraordinære granskingar/rapporter, og der det er naudsynt å hente inn ekstern kompetanse/kjøpe ekstra tid frå Telemark kommunerevisjon IKS/Vestfold og Telemark revisjon IKS, kan behovet for tilleggsløyving til kontrollarbeid oppstå. Dette er i så tilfelle ein sak for kommunestyret.

Sekretariatet peikar og igjen på at det er knytt usikkerheit til talla for sekretariattenester og revisjonstenester, då vi må ta atterhald om representantskapa sine vedtak når det gjeld overføringar til sekretariatet og revisjonen.

Nissedal kontrollutval har handsama saken i møte 09.09.2019 sak 29/19

Møtehandsaming

Utvalssekretær la fram budsjettet.

Votering

Samrøystes.

Vedtak

Kontrollutvalet innstiller følgjande til Kommunestyret:

Kommunestyret vedtek framlegg til budsjett for 2020 for kontrollarbeid i Nissedal kommune med ei ramme på kr 658 500,-

Kontrollutvalet sitt budsjettframlegg skal fylgje budsjettsaka til kommunestyret via formannskapet

RETT UTSKRIFT

DATO 13.september.2019



Vår ref.	Sakshandsamar:	Arkivkode:	Dato:
2018/1010-70	Jarle Bruun Olsen,35048403	151	31.10.2019

Budsjettdokument 2020

Budsjettdokumentet slik det ligg føre er ikkje komplett og heller ikkje fullt ut i samsvar med nye budsjettforskrifter. Det vert lagt opp til at dokumentasjon utarbeidd på bakgrunn av formannskapet si tilråding skal vere komplett og oppfylle formelle krav.

Årsaka til at dokumentasjonen ikkje er komplett er i hovudsak at ein har jobba med budsjettet heilt opp til utsending av møtepapir. Dermed har ein ikkje fått registrert inn detaljbudsjettet i økonomisystemet. Dette gjer til at ein ikkje er i stand til å produsere ulike hovudoversikter. I tillegg har nye budsjettforskrifter og gitt behov for ulike endringar som ein treng nokre dagar til før ein har kontroll på.

På bakgrunn av det som står over, så står det fleire tome avsnitt/felt i dokumentet, der det berre står «blir innarbeidd på bakgrunn av formannskapet si tilråding».

Men sjølv om det er ulike manglar i dokumentasjon, så legg ein til grunn at formannskapet har god nok informasjon i den dokumentasjonen som blir lagt fram til å kunne handsame budsjett/økonomiplan/handlingsprogram.

**Saksframlegg**

Utval	Utvalssak	Møtedato
Formannskapet	117/19	07.11.2019
Kommunestyret		12.12.2019

Evaluering av prøveordninga med heilårsdrift av Fjoneferga**Fakta i saka:**

I kommunestyresak 78/2017 vart det gjort følgjande vedtak:

«Som ei prøveordning for 2018 og 2019 leggst det opp til heilårsdrift av Fjoneferga. Drifta vil måtte innstillast i periodar der det er is av noko omfang på Nisser. Tilskot til driftsoperatør aukar frå kr. 60.000 til kr. 120.000 i dei 2 åra med prøvedrift og heilårsdrift av ferja vurderast på nytt etter 2019 sesongen. Tiltaket vert innarbeidd i budsjett for 2018 og tiltaket finansiert ved å auke bruk av disposisjonsfond med kr. 60.000.

Rådmannen ber Sjøfartsdirektoratet å lage ei utgreiing om tryggleik ved heilårsdrift. Denne utgreiinga må ligge føre før prøveordninga vert starta opp. Utgreiing om tryggleik skal ligge føre før utgangen av 2017.»

I eit internt notat av 21.12.17 skriv rådmannen:

«Rådmannen har den siste tida vore i kontakt med Sjøfartsdirektoratet og fått klare tilbagemeldingar:

- 1. Fartøyet sitt passasjersertifikat har ingen begrensningar. Det vil altså seie at det er gyldig for heilårs seilingsperiode. Fartøyet er imidlertid ikkje klassifisert for is. Det vil difor ikkje vil vere lov å seile dersom det er is på vatnet.*
- 2. Den årvisse kontrollen frå sjøfartsdirektoratet gjeld godkjenning av ferja for passasjertrafikk. Etter kontrollen blir det skrive ut eit passasjersertifikat som gjeld for heile året, og i den samanhengen betyr det ingenting om drifta går over 8 eller 12 månadar.*
- 3. Ferjer som kan nyttast i is-køyring har ei eiga klassifisering for dette og den manglar MF Nissen.*

Sjøfartsdirektoratet er klare på at det ikkje er deira oppgåve å vurdere tryggleik ved vinterdrift. Dette er ei oppgåve som ligg til reiarlaget (i dette tilfellet kommunen) Dei viser til ei eiga forskrift som heiter "Forskrift om tryggleiksstyring for mindre lasteskip mv"

Rådmannen vurderer tryggleiken ved heilårsdrift av Fjoneferja som tilfredsstillande. Kommunen har godkjent passasjersertifikat, og skipper har alle naudsynte sertifikat for den aktuelle ferjedrifta. Herunder kompetanse til å vurdere værtilhøve opp mot sikker ferjedrift.»

Gjeldande avtale med driftsoperatør seier at ferja skal vere i drift frå 01.05 til 31.12 kvart år etter godkjent ruteplan. Prøveperioden gjeld 1. januar – 30. april.

Vurdering:

Etter at prøveordninga vart starta har det vore ca. 8 faste brukarar heile perioden 01.01-30.04, samt fleire brukarar resten av året. Dei faste brukarane nyttar ferja til/frå jobb, men og i andre høve, og gjev uttrykk for at ferja er viktig for å få kvardagen til å gå opp. Det er lite trafikk frå andre enn dei fastbuande i denne perioden. Omsetninga 01.01-30.04 ligg på ca. kr. 10.000 pluss tilskot.

Vinteren 2018 var det nokre utfordringar med is, wire som rauk og vind. Vinteren 2019 var det drift i heile perioden og ingen problem med is og vind.

Kapteinen på Fjoneferga er positiv til vidareføring av heilårsdrifta med tanke på dei fastbuande.

Det er avtale med Sjødirektoratet om sjekk av ferja kvart 4. år. Neste sjekk er i april 2020.

Med bakgrunn i at det er rundt 8 fastbuande som dagleg brukar ferja, det har vore lite utfordringar med vinterdrift og ferja har sertifikat til å seile heile året, vert det vurdert som tenleg å fortsette med heilårsdrift. Rådmannen meiner at Fjoneferja er eit viktig sysselsettingstiltak som gjer det lettare å bu på Fjone og jobbe i t.d. Kviteseid. Ved å ha heilårsdrift vil dette tiltaket i enno sterkare grad legge til rette for busetnad på Fjone.

Rådmannen si tilråding:

Nissedal formannskap tilrår at ein fortsetter med heilårsdrift av Fjoneferga. Drifta vil måtte innstillast i periodar der det er is av noko omfang på Nisser.

Tilskotet til driftsoperatør vert halde som i prøveperioden, dvs. at ein aukar denne frå kr. 60.000 til kr. 120.000.

Tiltaket vert innarbeid i budsjettet for 2020

**Saksframlegg**

Utval	Utvalssak	Møtedato
Formannskapet	118/19	07.11.2019

Søknad om tilskot frå Friluftsfondet for Arendalsvassdraget**Vedlegg:**

- 1 Søknad om tilskot frå friluftsfondet for Arendalsvassdraget - Nissedal skyttarlag

Fakta i saka:

På vegne av alle som har båt søker Nissedal skyttarlag om tilskot til å utbetre båtslipp ved ferjeleiet på Fjone. Den gamle betongen er blitt slitt og brekt opp, og det er behov for å støype nytt dekke ut i vatnet. Arbeidet må gjerast når vatnet er lågt. Tiltaket er berekna til å koste frå 18.000,- til 20.000,- kr for betong og armering. Arbeidet blir gjort på dugnad.

Kven som formelt står som søker er ikkje avgjerande for vurderinga, men tiltak som kommer allmenta til nytta bør prioriterast. Midlane frå fondet skal nyttast til tiltak som kjem friluftslivet til gode i tilknytning til Nisser og vassdraget nedanfor Nisser og Fyresvatn i Nissedal kommune.

Vurdering:

Nisser er eit regulert vassdrag med ei reguleringshøgde på 3 m. Det er eit behov for å kunne ha tilrettelagte stader for til å sette ut / ta opp båtar som blir brukt på Nisser. Tiltaket er innafor det fondet kan nyttast til, og er eit tiltak til nytte for fleire og opent for alle.

Konklusjon:

Tilrådinga er at søkar får støtte til tiltaket og at dei får kr 20.000,- frå Friluftsfondet for Arendalsvassdraget

Rådmannen si tilråding:

Nissedal formannskap gir Nissedal skyttarlag kr 20.000,- i tilskot frå friluftsfondet til båtslipp på Fjone slik det vert søkt om. Tilskotet blir utbetalt når tiltaket er gjennomført. Dersom tiltaket ikkje er gjennomført innan 31.12.20 vert tilskotet trekt tilbake.

Fwd: Støtte til vedlikehold av båtutsettingsplass Fjone



Anne-Nora Oma Dahle <anne-nora.dahle@nissedal.kommune.no>

sø 13.10, 21:22

Svar alle |

Magne Skarprud

Kontaktperson frå Nissedal skytterlag, og den som har fylgt opp arbeidet, er Kjetil Højle Fjalestad (48144593)

Sendt fra min iPad

Videresendt melding:

Fra: <anne-nora.dahle@nissedal.kommune.no>

Dato: 12. mars 2019 kl. 09.08.20 CET

Til: Magne Skarprud <Magne.Skarprud@kviteseid.kommune.no>Kopi: 'Kjetil Højle Fjalestad' <kjetil.fjalestad@fjone.no>, Inge Audun Dahle <inge.audun@outlook.com>

Emne: Støtte til vedlikehold av båtutsettingsplass Fjone

Hei!

Me vil herved søke om støtte til vedlikehold av båtutsettingsplass på Fjone. Ved ferjeleiet på Fjone er det frå gammalt av laga til nedkøyringsveg for å køyre bilane ut på isen den gang det var vinterveg over på isen. Etter reguleringa vart dette til båtutsettingsplass. Den er ein mykje bruka stad både for fastbuande og hyttebuarar.

Me har ikkje eit organisert båtlag eller foreining, så på vegne av alle med båt er det me i Nissedal skytterlag som sender søknaden på vegne av alle båteigarar som nyter godt av dette stedet.

Det er ein betongsole som ligg ut i vatnet på nordsida av ferjeleiet. Betongen er i dag slitt og brekt stykker av tid og reguleringa der is og vatn har gjort det naudsynt med ny betong.

Me vil gjerne få satt i gang eit arbeid med å støype ny sole så fort som mogleg for å nytte den låge vasstanden som er i Nisser.

Stipulert kostnad er ein betongbil Kr. 12 800,- pluss moms, samt armeringsjern. Me trur dette kan få ein kostnad på 18.000,- 20 000,-

Med helsing

**Saksframlegg**

Utval	Utvalssak	Møtedato
Formannskapet	119/19	07.11.2019

N - Søknad om arealoverføring til bustadtomta 21/47 - jordlovsbehandling - 21/11 - Håtveit

Vedlegg:
1 Gardskart

Fakta i saka:

Søkar: Mai-Lisbet Reine, Gartnerstubben 13, 2053 Jessheim
Kjøpar: Birger Heimdal, Fjonevegen 1890, 3855 Treungen

Søknaden gjeld å overføre om lag 4 dekar skogsmark frå landbrukseigedomen Håtveit 21/11 til bustadtomta 21/47. Arealet er klassifisert som dyrkbart.

Landbrukseigedomen har i følgje gardskartet 4158 dekar totalt areal. Av dette er 3350 dekar produktiv skogsmark. Det er ikkje dyrka mark på eigedomen. Bustadtomta er frå før på 3,2 dekar. Kjøparen har stall på tomta og skal bruke tilleggsarealet til hest.

Søknaden blir her vurdert i samsvar med jordlova §§9 og 12.

Vurdering:

I jordlova §§9 og 12 heiter det mellom anna:

«§ 9.Bruk av dyrka og dyrkbar jord

Dyrka jord må ikkje brukast til føremål som ikkje tek sikte på jordbruksproduksjon. Dyrkbar jord må ikkje disponerast slik at ho ikkje vert eigna til jordbruksproduksjon i framtida...

§ 12.Deling

...Ved avgjerd av om samtykke til deling skal givast, skal det leggjast vekt på om delinga legg til rette for ein tenleg og variert bruksstruktur i landbruket. I vurderinga inngår mellom anna omsynet til vern av arealressursane, om delinga fører til ei driftsmessig god løysing, og om delinga kan føre til drifts- eller miljømessige ulemper for landbruket i området. Det kan leggjast vekt på andre omsyn dersom dei fell inn under formålet i jordlova.

Sjølv om det etter tredje ledd ikkje ligg til rette for å gi samtykke til deling, kan samtykke givast dersom deling vil vareta omsynet til busetjinga i området...»

Det er opplyst i søknaden at kjøparen treng tilleggsarealet til ekstra friområde og hestehamn. Dette vil ikkje gjere arealet ueigna til oppdyrking i framtida, og det krev ikkje løyve til omdisponering i samsvar med jordlova §9.

Området er avgrensa av vegar og bustadtomta. Arealoverføringa vil ikkje påverke driftsforhold eller bruksstruktur i vesentleg grad.

Det er ikkje registrerte eller kjente natur-eller kulturverdiar i området som kan bli påverka av tiltaket.

Rådmannen si tilråding:

Nissedal formannskap gir samtykke til å dele frå om lag 4 dekar skogsmark frå Håtveit 21/11 til tilleggsareal til bustadtomta 21/47 i samsvar med søknaden 23.10.2019. Delinga er forsvarleg ut frå omsynet til bruksstruktur, driftsmessige forhold og kulturlandskapet.

Vedtaket er gjort i samsvar med jordlova §12.

**Saksframlegg**

Utval	Utvalssak	Møtedato
Formannskapet	120/19	07.11.2019

N - 21/11 - Håtveit - Frådeling av tilleggsareal - dispensasjon

Søkar: Mai-Lisbet Reini Gartnerstubben 13 2053 JESSHEIM

Vedlegg:

- Søknad dat. 23.10.19.

Fakta i saka:

Søknaden gjeld frådeling av ca. 4 000 m² frå landbrukseigedomen Håtveit, g/bnr. 21/11. Det frådelte arealet (to delar) skal gå som tilleggsareal til 21/47, som tillegg til ei tomt med heilårsbustad. Kjøpar ønskjer tilleggsareal for å utvide tomta då mesteparten av tilleggsarealet over lang tid har vore disponert av kjøpar til m.a. innhegningar/beite for hest.

Søknaden er ikkje nabovarsla då ei tomteutviding ikkje gir endra bruk av området eller av fellesvegar dit. Søknaden er heller ikkje sendt på høyring til statlege eller regionale forvaltningsorgan då han ikkje rører ved arealbruk som skal ivaretakast nasjonalt eller regionalt. Det omsøkte tilleggsarealet er LNF-areal i kommuneplanen. Frådelingar frå slikt arealføremål skal ha samtykke etter jordlova. Søknaden er sendt landbrukskontoret for avklaring. Det blir lagt fram parallell sak etter jordlova i dette møtet, og med tilråding om delingssamtykke.

For å kunne gje dispensasjon, skal det vere klargjort at omsynet LNF-statusen skal ivareta, ikkje blir vesentleg sett til sides, og at fordelane er klart større enn ulempene, jf. plan- og bygningslova (pbl) §19-2. Søknaden blir avgjort av formannskapet.

Søkar blir faktuert eit behandlingsgebyr på kr 2 600, samla for jordlovsbehandlinga og behandlinga her, jf. vedteke gebyrregulativ.

Blir det gitt dispensasjon, kan det også gjevast delingsløyve etter pbl §20-1 m). Tilsvarande blir gebyret for delingsløyvet, også det kr 2 600, fakturert til søkar.

Vurdering:

Eit delingssamtykket etter jordlova vil vere førande for den vidare saksbehandlinga. At det heller ikkje er andre kjende arealkonfliktar, vil vere avgjerande for konklusjonen om at omsynet til planføremålet, LNF, ikkje blir vesentleg svekka.

Ei formalisering ved at brukar av arealet også blir eigar, vil vere positivt, særleg i samband med at søkar vurderer å selje heile restarealet. Sal av tilleggsareal før eit eventuelt sal av heile eigedomen, vil gje ei grei avklaring, og kunne hindre moglege brukskonfliktar i framtida. Tilleggsarealet blir greitt arrondert, mot eksisterande vegar. Frådelinga kan difor heller ikkje gje negative fylgjer for drifta av resteigedomen.

Kommunen har ikkje føringar i høve til tomtestorleik for heilårsbustader. Etter tillegg av omsøkt areal vil g/bnr. 21/47 bli på noko over 7 000 m². I spreiddbygd område som her, vil dette kunne

aksepterast med tanke på at det vil auke attraktiviteten som buplass for kjøpar, og slik styrke bumiljøet på staden.

Konklusjon:

Vilkåra lova set for å kunne gje dispensasjon er, ut frå vurderingane gjort over, oppfylte.

Rådmannen si tilråding:

Nissedal formannskap gir i medhald av pbl §19-2 dispensasjon for frådeling av ca. 4 000 m² frå g/bnr. 21/11, slik det er søkt om, på desse vilkåra:

- Det blir gitt delingssamtykke etter jordlova.
- Arealet skal gå som tilleggsareal til g/bnr. 21/47 og må samanføyast med dette.

Det blir samstundes gitt frådelingsløyve etter pbl §20-1 m) for tilleggsarealet.

Nissedal Kommune
v/plansjef Sveinung Seljås
3855 treungen

Mai-Lisbet Reini
Gartnerstubben 13
2053 jessheim

Salg av areal til Birger Heimdal

Jeg søker med dette om å få fradelt ca 4 mål, fra eiendommen min på Håtveit,-
Gr.nr/br.Nr 21/11, for salg til vår nabo Birger Heimdal. (se vedlegg).
Han ønsker og trenger dette arealet for ekstra friområde og hestehamn ved sin bolig.
Området ligger innenfor LNF-område, men det han søker å få kjøpe, er greit avgrensa ift vei.
Det vil ikke, slik jeg ser det, påvirke noe ift drift av eiendommen for øvrig.

Jessheim 23.10.2019

Mai-Lisbet Reini





Saksframlegg

Utval	Utvalssak	Møtedato
Formannskapet	121/19	07.11.2019

Søknad om fritak for eigedomsskatt

Fakta i saka:

Bakgrunn for saka/tidlegare saksgang

Gnr. 11, bnr. 2, fnr. 56, Heivegen 494, (tinglyst eigar Arne Aasen) blei totalskadd ved brann 23.10.2019.

Denne eigedomen var skrivi ut med ein eigedomskattetakst på kr 357.000, som gir ein eigedomsskatt på kr 714.

I søknad av 26. oktober søker eigar v/Thor-Erik Aasen om fritak for eigedomsskatt, på bakgrunn av brannen.

I § 4 i eigedomsskattelova står det i første ledd:

"Eigedomsskatt vert skriven ut på dei faste eigedomane ut frå tilhøva den 1. januar i skatteåret."

Vidare står det i § 28:

"Gjer særlege grunnar at det kom til å verta sær sursimeleg om heile eigedomsskatten vart innkravd, kan skatten setjast ned eller ettergjevast av formannskapet."

Lovgrunnlaget

Eigedomsskattelova §§ 4, 14, 28.

Vurdering:

Eigedomsskattelova er tydelig på at det berre er formannskapet som har kompetanse til å ettergje eigedomsskatt. Så sjølv om det er tale om mindre/bagatellmessige summar i eigedomsskatt, så er det berre formannskapet som kan ta stilling til ettergjeving av eigedomsskatt. Det er ikkje opna for å delegere dette myndet.

Etter eigedomsskattelova § 4 skal ein eigedom som t.d. blir totalskadd ved brann, betale utlikna eigedomsskatt ut året. Så ved utskriving året etter vil det blir teke omsyn til at verdien (pr. 01.01.) er endra. Ved oppføring av nytt hus på eigedomen vil det så bli gjennomført ny takst. Dersom nytt hus er ferdigstilt i februar vil dette ikkje bli skattlagt før året etter.

Men så opnast det for å gjere unnatak frå denne regelen i § 28. I uttale frå Finansdepartementet er brann nemnd som ein årsak som kan inngå i "*særlege grunnar*" jf. § 28. I KS sin rettleiar om "Nedsettelse og ettergivelse av eiendomsskatt" står: "*Rettferdighetsgrunner tilsier at skatten bør settes ned helt eller delvis for det skatteåret bygningen brant ned, siden skattegrunnlaget ikke lenger finnes.*"

I dette tilfellet blei hytta totalskadd og verdi jf. kommunen sine eigedomskattereglar vil vere 0. Ved utskriving for 2020, vil eigedomsskattetaksten då høgst truleg vere 0. Dette under føresetnad av at ny hytte ikkje er ferdigstilt innan årsskifte (som er særst lite truleg, når det nå er ca. 2 månader att av året). Uansett vil utskriving for 2020 ikkje vere ei problemstilling. Anten er ny hytte ikkje ferdig og då vil takst/eigedomsskatt vere 0 eller så er ny hytte ferdig og takst/eigedomsskatt vil bli skriven ut etter takst på ny hytte. Det blir eigedomsskatt for 2019 som blir vurderinga for søknaden om ettergjeving. På bakgrunn av uttale frå Finansdepartementet og rettleiar frå KS er brann gyldig grunn for nedsetjing av eigedomsskatten. Det vert tilrådd at eigedomsskatt frå branntidspunkt (26.10.) og ut året vert ettergitt.

Konklusjon:

Det synast klart at søknaden om fritak er innafor det § 28 i eskl. Opnar for å gje fritak for. (jf. rettleiing utarbeidd av KS).

Rådmannen si tilråding:

Nissedal formannskap gir fritak for eigedomsskatt for perioden 26.10.-31.12.2019 for gnr. 11, bnr. 2, fnr. 56 (utgjer omlag kr 130,-) Eigedomen får fritak for eigedomsskatt fram til året etter at ny bustad på eigedomen er ferdigstilt/kan takast i bruk. .



Saksframlegg

Utval	Utvalssak	Møtedato
Formannskapet	122/19	07.11.2019

Referat- og drøftingssaker

Vedlegg:

- 1) Møtebok 24.10.2019
- 2) Delegerte vedtak plankontor 17.10.2019 – 28.10.2019

Saker:

- A) Godkjenning av møtebok
- B) Delegerte vedtak plankontor
- C) Aktuelt frå rådmannen

Rådmannen si tilråding:

Nissedal formannskap tek referat- og drøftingssakene til vitande.



Nissedal kommune

Møteprotokoll

Utval: Formannskapet

Møtestad: kommunestyresalen, Kommunehuset

Dato: 24.10.2019

Tidspunkt: 08:30 – 14:15 og 15:20 – 16:30

Følgjande faste medlemmer møte:

Navn	Funksjon	Representerer
Halvor Homme	Ordførar	AP/H
Kristine Sandall	Varaordførar	AP/H
Ian Perry-Jones	Medlem	SP
Kristin O. P. Vågen	Medlem	AP/H
Tjordvor M. Haugen	Medlem	SP

Følgjande medlemmer møte ikkje:

Navn	Funksjon	Representerer
------	----------	---------------

Følgjande varamedlemmer møte:

Navn	Møtte for	Representerer
------	-----------	---------------

Følgjande frå administrasjonen møte:

Navn	Stilling
Sverre Sæter	Rådmann
Janle Bruun Olsen	Kommunalsjef økonomi (sak 103/19)
Jan Arvid Setane	Kommunalsjef samfunn og utvikling (sak 103/19)
Gro T. Midtsund	Einingsleiar barnehage (sak 103/19)
Roger Steinbakk	Einingsleiar skule (sak 103/19 og 115/19)
Anne M. Espelid	Einingsleiar kultur (sak 103/19)
Anne Espebu	Einingsleiar omsorg (sak 103/19)
Tove Solli Homme	Einingsleiar helse og habilitering (sak 103/19)
Kristin Vaa	Einingsleiar teknisk (sak 103/19)
Sveinung Seljås	Plansje (sak 103/19)
Peter Rieber Mohn	Landbrukssjef (sak 106/19)
Magne Skarprud	Konsulent miljø og utmark (sak 106/19)

Frå saksnr.: 103/19
Til saksnr.: 115/19


Halvor Homme
ordførar

Saksliste		
Utvals- saksnr	Innhald	Lukka
	Saker til behandling	
PS 103/19	2. tertial 2019	
PS 104/19	2.tertial 2019 - investeringsbudsjettet	
PS 105/19	N - Søknad om deling av landbrukseigedom - 4/3 Nykos m.fl.	
PS 106/19	N - Søknad om konsesjon for å kjøpe landbrukseigedomen - 7/1,3 - Vik øvre og 14/1 - Tveitane nordre	
PS 107/19	N - 28/1 - Fjonevegen 2275 - Søknad om tilleggsareal (garasjetomt) til 28/21 - dispensasjon	
PS 108/19	N - Nytt vegsamband Kyrkjebygda - Tørdal - overordna avklaringar	
PS 109/19	N - Planvedtak for vern av tømmerrenna ved Jettegrytene	
PS 110/19	Ny handsaming - søknad om støtte til Klatrefestivalen 2019	
PS 111/19	Ny søknad om etableringsstilskot frå Fjonesundet Kafé	
PS 112/19	Søknad om midlar til kjøp av jolegatelys i Treungen sentrum - Nissedal næringslag	
PS 113/19	Søknad om fritak for eigedomsskatt - gnr. 4, bnr. 13	
PS 114/19	Referat- og drøftingssaker	
PS 115/19	Nytt behov for spesialundervisning frå august 2019	X

Saker til behandling

PS 103/19 2. tertial 2019

Rådmannen si tilråding:

Nissedal kommunestyre vedteke fylgjande:

1. Rapport for 2. tertial 2019 blir vedteke slik den ligg føre.
2. Driftsbudsjett 2019 blir endra jf. budsjettskjema 1A og 1B i rapporten.
3. Rådmannen får delegert mynde til å budsjettregulere i høve til avsett sum under rammeområde felles, knyt til pensjonsutgifter (kr 800.000) og reelle summar i høve til avskrivingar.

Saksprotokoll i Arbeidsmiljøutvalet - 09.10.2019

AMU drøfta rapporten for 2. tertial

Uttale frå ADM

ADMU tek rapport for 2. tertial til vitande

Saksprotokoll i Formannskapet - 24.10.2019

Voteriing: samrøystes for rådmannen si tilråding

Formannskapet si innstilling til kommunestyret

Nissedal kommunestyre vedteke fylgjande:

1. Rapport for 2. tertial 2019 blir vedteke slik den ligg føre.
2. Driftsbudsjett 2019 blir endra jf. budsjettskjema 1A og 1B i rapporten.
3. Rådmannen får delegert mynde til å budsjettregulere i høve til avsett sum under rammeområde felles, knyt til pensjonsutgifter (kr 800.000) og reelle summar i høve til avskrivingar.

PS 104/19 2.tertial 2019 - investeringsbudsjettet

Rådmannen si tilråding:

Nissedal kommunestyre tek rådmannen sin rapport for 2.tertial-investeringsbudsjettet til vitande og vedtek endringar av prosjektrammer og løyvingar for 2019 slik det går fram av rapporten.

Saksprotokoll i Formannskapet - 24.10.2019

Voteriing: samrøystes for rådmannen si tilråding

Formannskapet si innstilling til kommunestyret

Nissedal kommunestyre tek rådmannen sin rapport for 2. tertial-investeringsbudsjettet til vitande og vedtek endringar av prosjektrammer og løyvingar for 2019 slik det går fram av rapporten.

PS 105/19 N - Søknad om deling av landbrukseigedom - 4/3 Nykos m.fl.

Rådmannen si tilråding:

Nissedal formannskap avslår søknaden frå Olav Dag Noraberg av 31.7.2019 om å dele opp gardsbruket Nykos 4/3 m.fl., då dette vil vera i strid med jordlova § 12.

Vedtaket er gjort i samsvar med jordlova §12 og delegert mynde til kommunen.

Saksprotokoll i Formannskapet - 24.10.2019

Endringsframlegg frå AP og H:

Nissedal formannskap gjev løyve til å dele frå teigen Nykos 4/3, som beskrive i søknaden av 31.07.19 og i saksframstillinga.

Nissedal formannskap meiner at det ligg svært godt til rette for buseiing på denne delen som ein framtidig sjølvstendig eigedom, jf. at det her alt er eit bustadhus Buseiingsomsynet er difor avgjerande for at denne delen av søknaden er imøtekomen. Formannskapet avslår å gje delingsløyve for dei andre omsøkte frådellingane då dette vil vere i strid med jordlova § 12.

Vedtaket er gjort i samsvar med jordlova §12.

Votering: Tre røyster for endringsframlegget (AP og H) to for rådmannen si tilråding.

Vedtak

Nissedal formannskap gjev løyve til å dele frå teigen Nykos 4/3, som beskrive i søknaden av 31.07.19 og i saksframstillinga.

Nissedal formannskap meiner at det ligg svært godt til rette for buseiing på denne delen som ein framtidig sjølvstendig eigedom, jf. at det her alt er eit bustadhus Buseiingsomsynet er difor avgjerande for at denne delen av søknaden er imøtekomen. Formannskapet avslår å gje delingsløyve for dei andre omsøkte frådellingane då dette vil vere i strid med jordlova § 12.

Vedtaket er gjort i samsvar med jordlova §12.

PS 106/19 N - Søknad om konsesjon for å kjøpe landbrukseigedomen - 7/1,3 - Vik øvre og 14/1 - Tveitane nordre

Rådmannen si tilråding:

Nissedal formannskap avslår søknaden frå Cicilie Ziener Thronsen 23.08.2019 om konsesjon på kjøpet av landbrukseigedomen Vik og Tveitane 7/1,3 og 14/1.

Vedtaket er gjort ut frå ei samla vurdering av dei momenta som i følgje konsesjonsloven §§ 9 og 9a har særleg vekt, og spesielt på grunn av for høg pris. Vi vil gi konsesjon med vilkår om personleg buplikt samanhengande i fem år med eitt års frist for busetting dersom prisen blir sett ned til under kr 3 500 000.

Vedtaket er gjort i samsvar med konsesjonsloven §§9, 9a og 11 og delegert mynde til kommunen.

Saksprotokoll i Formannskapet - 24.10.2019

Endringsframlegg frå SP:

Nissedal formannskap godkjenner søknaden frå Cecilie Ziener Thronsen 23.08.2019 om konsesjon på kjøpet av landbrukseigedomen Vik og Tveitane 7/1,3 og 14/1.

Vedtaket er gjort ut frå ei samla vurdering av dei momenta som i følgje konsesjonsloven §§ 9 og 9a har særleg vekt. Nissedal formannskap oppfatar den avtalte kjøpesum som noko høg. Men i heilheitsvurderinga er det lagt betydeleg vekt på kaupars uttalte plan om å tilbakeføre og restaurere våningshuset på Vik. Tømra er frå 1600 - talet og er derfor av stor kulturhistorisk verdi. Tilbakeføringa skal gjerast innan eit år og kaupar vil flytte til eigedomen innan eit år. Nissedal kommune er svært positive til at unge folk vil slå seg ned i kommunen og vi ser det som verdifullt at kulturhistoriske verdier, slik som våningshuset på Vik, blir ivareteke for allmenheten.

Det blir sett vilkår om at ny eigar busett seg på eigedomen innan 1 år og bur der i minst 5 år.

Vedtaket er gjort i samsvar med konsesjonsloven §§9, 9a og 11 og delegert mynde til kommunen.

Votering: Samrøystes for endringsframlegget.

Vedtak

Nissedal formannskap godkjenner søknaden frå Cecilie Ziener Thronsen 23.08.2019 om konsesjon på kjøpet av landbrukseigedomen Vik og Tveitane 7/1,3 og 14/1.

Vedtaket er gjort ut frå ei samla vurdering av dei momenta som i følgje konsesjonsloven §§ 9 og 9a har særleg vekt. Nissedal formannskap oppfatar den avtalte kjøpesum som noko høg. Men i heilheitsvurderinga er det lagt betydeleg vekt på kaupars uttalte plan om å tilbakeføre og restaurere våningshuset på Vik. Tømra er frå 1600 - talet og er derfor av stor kulturhistorisk verdi. Tilbakeføringa skal gjerast innan eit år og kaupar vil flytte til eigedomen innan eit år. Nissedal kommune er svært positive til at unge folk vil slå seg ned i kommunen og vi ser det som verdifullt at kulturhistoriske verdier, slik som våningshuset på Vik, blir ivareteke for allmenheten.

Det blir sett vilkår om at ny eigar busett seg på eigedomen innan 1 år og bur der i minst 5 år.

Vedtaket er gjort i samsvar med konsesjonsloven §§9, 9a og 11 og delegert mynde til kommunen.

PS 107/19 N - 28/1 - Fjonevegen 2275 - Søknað om tilleggsareal (garasjetomt) til 28/21 - dispensasjon

Rådmannen si tilråding:

Nissedal formannskap gir i medhald av pbl §19-2 dispensasjon for fradeling av areal frå g/bnr 28/1, slik det er søkt om, på desse vilkåra:

- Avgrensinga av tilleggsarealet blir gjort innom intervallet 100-200 m2.
- Det må ligge føre delingssamykke etter jordlova.
- Arealet skal gå som tilleggsareal til g/bnr. 28/21, og må samanføyast med dette.

Formannskapet gir samstundes frådelingsløyve etter pbl §20-1 m) for eit slikt tilleggsareal.

Saksprotokoll i Formannskapet - 24.10.2019

Votering: samrøystes for rådmannen si tilråding.

Vedtak

Nissedal formannskap gir i medhald av pbl §19-2 dispensasjon for fradeling av areal frå g/bnr 28/1, slik det er søkt om, på desse vilkåra:

- Avgrensinga av tilleggsarealet blir gjort innom intervallet 100-200 m2.
- Det må ligge føre delingssamykke etter jordlova.
- Arealet skal gå som tilleggsareal til g/bnr. 28/21, og må samanføyast med dette.

Formannskapet gir samstundes frådelingsløyve etter pbl §20-1 m) for eit slikt tilleggsareal.

PS 108/19 N - Nytt vegsamband Kyrkjebygda - Tørdal - overordna avklaringar

Rådmannen si tilråding:

Nissedal kommunestyre gir klarsignal til at bygging av ny/opprusing av eksisterande veg på strekninga Svinsundet-kommunegrensa mot Drangedal kan behandlast som ein dispensasjonssøknað frå LNF-føremålet etter pbl §19-2 når desse dokumenta ligg føre:

- Vegplan som syner innmål senterline.
- Kulturminneregistrering av vegtraséen.
- Biologisk mangfaldregistrering av vegtraséen.

Søknaden skal sendast på ei brei høyring før den blir avgjort av formannskapet.

Saksprotokoll i Formannskapet - 24.10.2019

Ian Perry-Jones ba om å få vurdert sin habilitet.

Formannskapet fann samrøystes Perry-Jones ugild i å vere med på å handsame saka.

Stein Skåli trådte inn som vara for Perry-Jones i denne saka.

Endingsframlegg frå SP: Senterpartiet ynskjer at det vert utarbeida ei konsekvensanalyse av korleis vegutbygginga vil påverke lokalt næringsliv.

Votering: Tre røysta for rådmannen si tilråding (AP og H). Senterpartiet sine to representantar røysta for endingsframlegget.

Formannskapet si tilråding til kommunestyret

Nissedal kommunestyre gir klarsignal til at bygging av ny/opprusting av eksisterande veg på strekninga Svinsundet - kommunegrensa mot Drangedal kan behandlast som ein dispensasjonssøknad frå LNF-føremålet etter pbl §19-2 når desse dokumenta ligg føre:

- Vegplan som syner innmalt senterline.
- Kulturminneregistrering av vegtraséen.
- Biologisk mangfaldregistrering av vegtraséen.

Søknaden skal sendast på ei brei høyring før den blir avgjort av formannskapet.

PS 109/19 N - Planvedtak for vern av tømmerrenna ved Jettegrytene

Er det ønske om å skire varig vern av minst ei av tømmerrennene i kommunen, bør kommunen skaffe seg nødvendig handlingsrom gjennom eit vedtak i medhald av pbl §13-1 om mellombels forbod mot tiltak, irekna rivingsiltak.

Eit varsel om planoppstart som vil sikre heimelen til å nekte riving av tømmerrenna, bør i tillegg også omfatte arealet for ny tilkomstveg/parkering ved Jettegrytene.

Ein reguleringsplan kan gje grunneigar rett til å krevje innløyising, jf. §15-2. Planen kan også utløyse erstattingsplikt for kommunen, jf. §15-3.

At Agder Energi Vannkraft AS eller grunneigarane ikkje har fått uttale seg til innhaldet i denne saka er naturleg.. Dei vil både etter oppstartsvarselet og ved høyringa av planforlaget få høve til å kome med synspunkta sine. Denne saka skal avklare kommunens posisjon.

Rådmannen si tilråding:

Nissedal kommunestyre varslar i medhald av pbl §12-8 oppstart av arbeidet med detaljreguleringsplan for eit område som omfattar tømmerrenna, Jettegrytene i Reinfossen og ny bliveg frå Espestøylsvegen ved Koranmoen til Jettegrytene slik vedlagte kartskisse viser. Føremålet med planarbeidet vil vere å sikre eit objektvern av tømmerrenna men til bruk som gangveg, ei omregulering av området Jettegrytene med omkringliggande areal til friluftsføremål, og ei regulering av blivegstrasé og parkeringsplass som ny tilkomst til Jettegrytene frå Espestøylvegen.

Saksprotokoll i Formannskapet - 24.10.2019

Votering: Tre røysta for rådmannen si tilråding. To (SP) stemte imot.

Formannskapet si innstilling til kommunestyret

Nissedal kommunestyre varslar i medhald av pbl §12-8 oppstart av arbeidet med detaljreguleringsplan for eit område som omfattar tømmerrenna, Jettegrytene i Reinfossen og ny bliveg frå Espestøylsvegen ved Koranmoen til Jettegrytene slik vedlagte kartskisse viser.

Føremålet med planarbeidet vil vere å sikre eit objektvern av tømmerrenna men til bruk som gangveg, ei omregulering av området Jettegrytene med omkringliggende areal til friluftsføremål, og ei regulering av bilvegstrasé og parkeringsplass som ny tilkomst til Jettegrytene frå Espeøyvegen.

PS 110/19 Ny handsaming - søknad om støtte til Klatrefestivalen 2019

Saksprotokoll i Formannskapet - 24.10.2019

Endringsframlegg frå SP:

Nissedal formannskap ser positivt på søknaden frå Treungen IL v/klatregruppa, og løyver kr. 15.000,- til innkjøp av utlånsutstyr.

Løyvinga vert tatt frå Nissedal kommunale næringsfond og utbetalt etter mottak av dokumenterte utgifter.

Votering: Tre røysta for rådmannen si tilråding (AP og H). To (SP sine to representantar) røysta for endringsframlegget

Vedtak

Nissedal formannskap ser positivt på søknaden frå Treungen IL v/klatregruppa, og løyver kr. 10.000,- til innkjøp av utlånsutstyr.

Løyvinga vert tatt frå Nissedal kommunale næringsfond og utbetalt etter mottak av dokumenterte utgifter.

PS 111/19 Ny søknad om etableringstilskot frå Fjonesundet Kafé

Saksprotokoll i Formannskapet - 24.10.2019

Votering: samrøystes for rådmannen si tilråding.

Vedtak

Nissedal formannskap ser positivt på søknaden frå søknaden frå Leo og Yvonne Klevit. Då det pr. i dag kun er drift halve året vel rådmannen å løyve kr. 15.000 til Fjonesundet Kafé.

Løyvinga vert tatt frå Nissedal kommunale næringsfond og utbetalt etter mottak av dokumenterte utgifter.

PS 112/19 Søknað om midlar til kjøp av jolegategelys i Treungen sentrum - Nissedal næringslag

Rådmannen si tilråding:

Nissedal formannskap ser positivt på søknaden frå Nissedal næringslag og løyver kr. 20.000 til innkjøp av lyslenkjer.

Løyvinga vert tatt frå Nissedal kommunale næringsfond og utbetalt etter mottak av dokumenterte utgifter.

Saksprotokoll i Formannskapet - 24.10.2019

Ian Perry-Jones ba om å få vurdert sin habilitet.

Formannskapet fann samrøystes Perry-Jones ugild i å vere med på å handsame saka.

Votering: samrøystes for rådmannen si tilråding.

Vedtak

Nissedal formannskap ser positivt på søknaden frå Nissedal næringslag og løyver kr. 20.000 til innkjøp av lyslenkjer.

Løyvinga vert tatt frå Nissedal kommunale næringsfond og utbetalt etter mottak av dokumenterte utgifter.

PS 113/19 Søknað om fritak for eigedomsskatt - gnr. 4, bnr. 13

Rådmannen si tilråding:

Nissedal formannskap gir fritak for eigedomsskatt for perioden 4. termin 2019 for gnr. 4, bnr. 13. (utgjir kr 325,-) Eigedomen får fritak for eigedomsskatt fram til året etter at ny bustad på eigedomen er ferdigstilt/kan takast i bruk. .

Saksprotokoll i Formannskapet - 24.10.2019

Votering: samrøystes for rådmannen si tilråding,

Vedtak

Nissedal formannskap gir fritak for eigedomsskatt for perioden 4. termin 2019 for gnr. 4, bnr. 13. (utgjir kr 325,-) Eigedomen får fritak for eigedomsskatt fram til året etter at ny bustad på eigedomen er ferdigstilt/kan takast i bruk. .

PS 114/19 Referat- og drøftingssaker

Rådmannen si tilråding:

Nissedal formannskap tek referat- og drøftingssakene til vitande.

Saksprotokoll i Formannskapet - 24.10.2019

Voteriing: Samrøystes for rådmannen si tilråding.

Vedtak

Nissedal formannskap tek referat- og drøftingssakene til vitande.

PS 115/19 Nytt behov for spesialundervisning frå august 2019

Saksprotokoll i Formannskapet - 24.10.2019

Voteriing: samrøystes for rådmannen si tilråding

Vedtak

Nissedal formannskap gjev rådmannen løyve til å setje i verk tiltak i tråd med tilråding frå PPT. Budsjettramme til eining for skule vert auka med kr. 156 000 i 2 kvartal (5/12 verknað). Budsjettramme til eining for skule for 2020 og vidare ut planperioden vert styrka med kr 375 000 (stillingshelmar for eining for skule vert auka tilsvarende)

Delegerte vedtak

ePhorte®

Seleksjon: Utvalg: 5 - Delegert vedtak interkommunalt plankontor, Dokumentdato: 17.10.2019 - 28.10.2019, Innhold: N *

Rapport generert: 29.10.2019

Utvalg	Løpenr	Saksnr	Type	Dato	Tittel	Status	Saksbehandler
DPLA	10414/2019	371/19	DS	17.10.2019	N - 11/2/15 - Huvtjønnleiken 15 - Byggesøknad - Sanitærteknisk installasjon med tilkopling til felles vatn og avløp - Godkjent	J	Birger Heimdal
DPLA	10423/2019	372/19	DS	17.10.2019	N - 21/136 - Buktebakken tomt 5 - Søknad om vidare mellombels bruksløyve - Fritidsbustad - Godkjent	J	Birger Heimdal
DPLA	10435/2019	375/19	DS	21.10.2019	N - 35/63 og 35/74 - Homme 139, 142 og 143 - Søknad om ferdigattest - Tilkopling til kommunalt vatn og avløp - Godkjent	J	Birger Heimdal
DPLA	10444/2019	376/19	DS	21.10.2019	N - 11/2/14 - Huvtjønnleiken 19 - Byggesøknad - Sanitærteknisk installasjon med tilkopling til felles vatn og avløp - Godkjent	J	Birger Heimdal
DPLA	10447/2019	378/19	DS	21.10.2019	N - 45/166/1 - Berlimoen Pelsdyrområde nr.1 - Søknad om ferdigattest - Tilbygg til lager - Godkjent	J	Birger Heimdal
DPLA	10472/2019	379/19	DS	21.10.2019	N - 15/19/1 - Holmvassvegen 166 - Frådeling av festetomt - dispensasjon	J	Sveinung Seljås
DPLA	10482/2019	380/19	DS	21.10.2019	N - 41/6 - Havrefjell hyttegrend felt F tomt 11 og 12 - Rekvisisjon av oppmålingsforretning - Godkjenning	J	Carola Klindt
DPLA	10560/2019	381/19	DS	25.10.2019	N - 21/64 - Nisser Hyttegrend 64 - Byggesøknad - Tilbygg fritidsbustad - Godkjent	J	Birger Heimdal
DPLA	10563/2019	382/19	DS	25.10.2019	N - 12/11 - Heivegen 410 - Byggesøknad - Sanitærteknisk installasjon med tilkopling til felles vatn og avløp - Godkjent	J	Birger Heimdal
DPLA	10564/2019	383/19	DS	24.10.2019	N - 38/572 - Felehovet nord 134 - Søknad om ferdigattest - Fritidsbustad - Godkjent	J	Birger Heimdal
DPLA	10574/2019	384/19	DS	25.10.2019	N - 38/438 - Felehovet nord tomt H136 - H137 og H138 - Søknad om deling og rekvisisjon av oppmålingsforretning - Godkjenning	J	Bjarne Underdal
DPLA	10575/2019	385/19	DS	24.10.2019	N - 31/175 - Naurak 109 - Søknad om ferdigattest - Utviding av veranda - Godkjent	J	Birger Heimdal
DPLA	10576/2019	386/19	DS	24.10.2019	N - 32/36 - Haukåsen 7, tomt 5 - Søknad om ferdigattest - Grillhytte - Godkjent	J	Birger Heimdal
DPLA	10681/2019	387/19	DS	28.10.2019	N - 17/1 - Kyrkjebyggdvegen 171 - Søknad om ferdigattest - Riving av våningshus - Godkjent	J	Birger Heimdal
DPLA	10686/2019	388/19	DS	28.10.2019	N - 41/336 - Havrefjell hyttegrend 69, tomt A18 - Søknad om ferdigattest - Fritidsbustad - Godkjent	J	Birger Heimdal
DPLA	10691/2019	389/19	DS	28.10.2019	N - 7/77 - Sundsodden 22 og 24 - Søknad om ferdigattest - Tomannsbustad - Godkjent	J	Birger Heimdal
DPLA	10693/2019	390/19	DS	28.10.2019	N - 11/2/58 - Huvtjønnleiken 17 - Byggesøknad - Sanitærteknisk installasjon med tilkopling til felles vatn og avløp - Godkjent	E	Birger Heimdal
DPLA	10694/2019	391/19	DS	28.10.2019	N - 11/2/89 - Huvtjønnleiken 38 - Søknad om ferdigattest - Sanitærteknisk installasjon med tilkopling til felles vatn og avløp - Godkjent	J	Birger Heimdal
DPLA	10698/2019	392/19	DS	28.10.2019	N - 35/1 - Homme 122 - Søknad om ferdigattest - Reiskapshus - Godkjent	J	Birger Heimdal
DPLA	10700/2019	393/19	DS	28.10.2019	N - 37/2 - Heimdalsvegen 145 - Søknad om ferdigattest - Tilbygg våningshus og etablering av reinseanlegg - Godkjent	J	Birger Heimdal